Tarikh Dibaca: 07 FEBRUARI 2020M I 13 JUMADA AL-AKHIRAH 1441H



KHUTBAH JUMAAT

Tajuk:

"MENDAKI TANGGA MASJID"

Terbitan: Unit Khutbah Bahagian Pengurusan Masjid JABATAN AGAMA ISLAM SELANGOR



"MENDAKI TANGGA MASJID"

ٱلْحَمْدُ لِلَّهِ الْقَائِلِ: إِنَّمَا يَعُمُرُ مَسَجِدَ ٱللَّهِ مَنْ ءَامَنَ بِٱللَّهِ وَٱلْيَوْمِ ٱلْآخِرِ وَأَقَامَ ٱلصَّلَوٰةَ وَءَاتَى ٱلزَّكُوٰةَ وَلَمْ يَخْشَ إِلَّا ٱللَّهَ ۖ فَعَسَىٰٓ أُوْلَـيِكَ أَن يَكُونُواْ مِنَ ٱلْمُهْتَدِينَ ۞ "

أَشْهَدُ أَنْ لَا إِلَهَ إِلَّا اللَّهُ وَحْدَهُ لاَ شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اَللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى ءَالِهِ وَأَصْحَابِهِ أَجْمَعِيْنَ.

أَمَّا بَعْدُ، فَيَآ أَيُّهَا الْمُسْلِمُونَ! اِتَّقُواْ اللَّهَ! أُوْصِيكُمْ وَإِيَّايَ بِتَقْوَى اللهِ فَقَدْ فَازَ الْمُتَّقُونَ. قَالَ اللَّهُ تَعَالَى:

يَـَأَيُّهَا ٱلَّذِينَ ءَامَنُواْ ٱتَّقُواْ ٱللَّهَ حَقَّ تُقَاتِهِۦ وَلَا تَمُوتُنَّ إِلَّا وَأَنتُم مُّسۡلِمُونَ.²

Muslimin yang dirahmati Allah sekalian,

Marilah kita meningkatkan keimanan dan ketakwaan kepada Allah SWT dengan bersungguh-sungguh melaksanakan segala perintah-Nya dan meninggalkan segala larangan- Nya. Mudah-mudahan kita akan digolongkan dalam kalangan hamba-hamba-Nya yang beroleh kejayaan di dunia dan di akhirat.

Khutbah yang akan disampaikan pada hari ini adalah "MENDAKI TANGGA MASJID".

Muslimin yang dihormati sekalian,

² Ali-Imran: 102.

¹ Al-Taubah : 18.



Masjid dan surau adalah tempat yang suci dan mulia di sisi agama Islam. Ia adalah tempat untuk kita beribadah menunaikan solat-solat fardhu secara berjemaah dan juga ibadah-ibadah sunat yang lain seperti solat nawafil, membaca al-quran, berzikir dan mendengar kuliah-kuliah serta pengajian agama. Bahkan fungsi masjid yang sebenar adalah lebih luas lagi sebagai pusat komuniti, perpaduan dan pembangunan ummah itu sendiri.

Kebanyakan Masjid-masjid dan surau di negeri Selangor ini dibina dengan lebih indah, kondusif, bahkan ada yang dilengkapi dengan teknologi-teknologi terkini. Begitu juga para Jemaah disajikan dengan pelbagai kuliah dan pengajian-pengajian untuk meningkatkan ilmu pengetahuan.

Namun persoalannya berapa ramaikah antara kita yang sanggup pergi ke masjid dibandingkan dengan kesanggupan kita mengembara dan menempuh perjalanan yang jauh untuk bercuti? Berapa ramaikah yang sanggup mendaki anak-anak tangga masjid, dibandingkan dengan bilangan yang sanggup mendaki bukit bukau dan gunung-ganang yang tinggi?

Sesungguhnya perjalanan terjauh dan terhebat bagi seorang lelaki adalah perjalanan ke masjid. Ini kerana jarak jauhnya kita dengan masjid tidak diukur dengan langkah kaki tetapi diukur dengan hati. Sejauh manapun masjid dan surau pasti akan dapat dijangkau sekiranya hati sudah terpaut. Namun jika hati semakin jauh daripada masjid, sedekat manapun jaraknya, terasa berat dan susah untuk melangkah dan mendaki anak-anak tangganya, walaupun kita disuruh untuk memakmurkan rumah-rumah Allah sebagai bukti keimanan kita. Firman Allah SWT dalam surah al-Taubah sebagaimana disebut pada awal khutbah yang bermaksud:

"Hanyasanya yang layak memakmurkan (menghidupkan) masjidmasjid Allah itu ialah orang-orang yang beriman kepada Allah dan hari akhirat serta mendirikan sembahyang dan menunaikan zakat dan tidak takut



melainkan kepada Allah, (dengan adanya sifat-sifat yang tersebut) maka adalah diharapkan mereka menjadi golongan yang mendapat petunjuk."

Hadirin yang dirahmati Allah sekalian,

Menghadirkan diri ke masjid untuk menunaikan ibadah solat fardhu secara berjemaah pada awal waktu adalah merupakan tanggungjawab seorang muslim.

Ini dijelaskan dalam banyak hadis Nabi SAW yang memerintahkan supaya menunaikan solat fardhu secara berjemaah di masjid, bahkan orang yang hatinya sentiasa terpaut dengan masjid akan mendapat naungan Arasy Allah SWT pada hari akhirat kelak. Dalam sebuah hadis yang diriwayatkan oleh Abu Hurairah Radhiallahu Anhu bahawa Rasulullah SAW bersabda:

"Lelaki yang hatinya terpaut dengan masjid."

(Riwayat al-Bukhari).

Dalam hadis lain yang diriwayatkan oleh Abu Hurairah Radhiallahu Anhu, baginda SAW bersabda :

مَنْ تَطَهَّرَ فِيْ بَيْتِهِ ثُمَّ مَشَى إِلَى بَيْتٍ مِنْ بُيُوْتِ اللَّهِ لِيَقْضِيَ فَرِيْضَةً مِنْ فَرَائِضِ اللَّهِ كَانَتْ خَطْوَتَاهُ إِحْدَاهُمَا تَحُطُّ خَطِيْئَةً وَالأُخْرَى تَرْفَعُ دَرَجَةً



"Sesiapa yang bersuci di rumahnya kemudian berjalan menuju ke salah satu daripada rumah-rumah Allah (masjid) untuk menunaikan solat yang telah difardhukan oleh Allah, maka kedua-dua langkah kakinya itu, salah satunya menghapuskan dosa dan yang lain mengangkat darjat."

(Riwayat Muslim).

Muslimin yang dikasihi Allah sekalian,

Sesungguhnya banyak kelebihan beribadah di masjid dan di surau berbanding dengan beribadah di rumah. Hati kita akan merasa lebih tenang ketika berada di masjid dan jiwa akan merasa lebih kuat untuk melakukan ibadah. Apabila berada di dalam masjid, kita merasa lebih rajin untuk melakukan ibadah-ibadah sunat berbanding di rumah. Contohnya mendirikan solat-solat sunat qabliyah dan ba'diyah, membaca al-quran dan berzikir memuji Allah Yang Maha Esa. Apatah lagi kita boleh menunaikan ibadah iktikaf iaitu ibadah yang hanya boleh dilakukan di dalam masjid.

Betapa pentingnya menunaikan solat fardhu secara berjemaah di masjid sehingga Baginda SAW memberi amaran yang keras kepada mereka yang tidak menunaikan tanggungjawab ini sebagaimana disebut dalam sebuah hadis daripada Abu Hurairah Radhiallahu Anhu bahawa Nabi SAW bersabda:

"Sesungguhnya aku bertekad supaya solat didirikan. Kemudian aku akan pergi ke setiap rumah seseorang yang tidak hadir solat berjemaah, lalu akan aku perintahkan agar dibakar rumah mereka."

(Riwayat al-Bukhari).



Hadirin yang dirahmati Allah sekalian,

Oleh itu marilah kita sama-sama berazam dan berusaha untuk menghadirkan diri ke masjid, mendaki anak-anak tangganya supaya kita sama-sama dapat merasai ketenangan serta kenikmatan ketika berada di dalamnya.

Mulakan dengan satu waktu solat fardhu secara berjemaah di masjid. Kemudian ditambah dengan dua waktu, tiga waktu dan seterusnya lima waktu sehari semalam. Berusahalah untuk mendirikan solat di belakang imam sebelum kita disolatkan di hadapan imam. Janganlah menunggu waktu tua untuk mendaki anak-anak tangga masjid kerana tiada siapa yang boleh menjamin bahawa kita akan pasti dapat mencapai usia tua dalam keadaan sihat dan bertenaga.

Hadirin yang berbahagia sekalian,

Mengakhiri khutbah pada hari ini, marilah sana-sama kita hayati beberapa tausiah dari khutbah ini untuk dijadikan pengajaran dan panduan dalam hidup ini. Antaranya:

- 1. Umat Islam hendaklah meyakini bahawa semua perintah-perintah Allah dan agama hendaklah dolakukan dengan bersungguh-sungguh dan ikhlas.
- 2. Umat Islam wajib meyakini bahawa solat berjemaah di masjid merupakan salah satu tuntutan yang diperintahkan oleh Allah SWT.
- 3. Umat Islam hendaklah berlumba-lumba untuk meraih pahala dan mengapuskan dosa dengan menghadirkan diri ke masjid untuk solat berjemaah.



أُعُوذُ بِاللَّهِ مِنَ الشَّيْطَانِ الرَّجِيمِ ﴿ وَسَارِعُوٓا ۚ إِلَىٰ مَغُفِرَةٍ مِّن رَّبِّكُمْ وَجَنَّةٍ عَرْضُهَا ٱلسَّمَوَتُ وَٱلْأَرْضُ أُعِدَّتُ لِلْمُتَّقِينَ ﴿

"Dan segeralah kamu kepada (mengerjakan amal-amal yang baik untuk mendapat) keampunan dari Tuhan kamu dan (mendapat) Syurga yang bidangnya seluas segala langit dan bumi, yang disediakan bagi orang-orang yang bertakwa."

(ali Imran: 133).

بَارَكَ اللهُ لِيْ وَلَكُمْ فِي الْقُرْآنِ الْعَظِيْمِ، وَنَفَعَنِيْ وَإِيَّاكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ مِنِيْ وَمِنْكُمْ تِلاوَتَهُ، إِنَّهُ هُوَ السَّمِيْعُ الْعَلِيْمُ.

أَقُولُ قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلِسَاّئِرِ الْمُسْلِمِیْنَ وَالْمُسْلِمَاتِ، فَاسْتَغْفِرُوْهُ إِنَّهُ هُوَ الْغَفُورُ الرَّحِیْمُ.



KHUTBAH KEDUA

وَقَالَ اللهُ تَعَالَى : إِنَّ ٱللَّهَ وَمَلَا بِكَتَهُ ويُصَلُّونَ عَلَى ٱلنَّبِيِّ يَاَأَيُّهَا ٱلَّذِينَ ءَامَنُواْ صَلُّواْ عَلَيْهِ وَسَلِّمُواْ تَسْلِيمًا ۞

اَللَّهُمَّ صَلِّ وَسَلِّمْ عَلَى سَيِّدِنَا وَمَوْلاَنَا مُحَمَّدٍ سَيِّدِ الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِيَّاتِهِ أَجْمَعِيْنَ. اللَّهُمَّ اغْفِرْ لِلْمُسْلِمِیْنَ وَالْمُسْلِمَاتِ وَالْمُؤْمِنِیْنَ وَالْمُؤْمِنَاتِ اللَّهُمَّ اغْفِرْ لِلْمُسْلِمِیْنَ وَالْمُسْلِمَاتِ وَالْمُؤْمِنِیْنَ وَالْمُؤْمِنَاتِ اللَّاعَوَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِیْعٌ قَرِیْبٌ مُجِیْبُ الدَّعَوَاتِ الْأَحْيَا قَاضِيَ الْحَاجَاتِ. اَللَّهُمَّ أَعِزَ الْإِسْلاَمَ وَالْمُسْلِمِیْنَ، وَأَهْلِكِ الْكَفَرَةَ وَالْمُسْلِمِیْنَ، وَأَهْلِكِ الْكَفَرَةَ وَالْمُسْلِمِیْنَ الْعَدَاءَ الدِیْنِ. وَانْصُرْنَا عَلَى الْقَوْمِ الْكَافِرِیْنَ وَدَمِّرْ اَعْدَاءَكَ اَعْدَاءَ الدِیْنِ. وَانْصُرْنَا عَلَى الْقَوْمِ الْكَافِرِیْنَ.



ٱللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِيْرِ وَصِفَاتِكَ الْعُظْمَى، أَنْ الرَّبَّانِيَّةِ، وَبِحِفْظِ وِقَايَتِكَ الصَّمَدَانِيَّةِ، جَلاَلَةَ مَلِكِنَا المُعَظّم، سُلطان سلاغُور، سُلطان شَرَفُ الدِّين ادريس الحاج ابن المرحوم سُلطان صَلاَحُ الدِّين عبد الْعَوْنَ وَالْهِدَايَةَ وَالتَّوْفِيْقَ، وَالسَّلامَة مِنْكَ، لِوَلِّي عَهْدِ سلاغُور، تَعْكُو أَمِير شَاه إِبْن شَرَفُ الدِّينِ ادريسِ شاه الحاج، وَكَرَمِكَ يَا ذَاالْجَلالِ وَالإِكْرَامِ. دَهُمَا لِطُربِقِ الْهُدَى وَالرَّشَادِ.

Ya Allah, Engkaulah Tuhan yang Maha Berkuasa, kami bersyukur kehadrat-Mu yang telah mengurniakan rahmat dan keberkatan kepada negeri ini yang terus sejahtera dan maju, serta rakyatnya bersatu padu, dibawah naungan dan pimpinan raja kami sebagai Ketua Agama Islam di negeri ini.

Justeru kami pohon kehadrat-Mu ya Allah, tetapkanlah iman dan pegangan kami kepada Ahli Sunnah Wal-Jamaah, peliharalah kami daripada ajaran yang terkeluar daripada Islam seperti Ahmadiah atau Qadyani dan ajaran-ajaran yang difatwakan sesat seperti Syiah dan Ajaran Islam Jamaah. Ya Allah, Ya Rahman, Ya Rahim, satukanlah hati-hati kami, kurniakanlah



kami rezeki yang luas lagi barakah, kayakanlah kami dengan ilmu yang bermanfaat dan lindungilah kami daripada bala bencana. Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf dan menginfakkan harta melalui Perbadanan Wakaf Selangor dan Tabung Amanah Pembangunan Islam Selangor.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَغَيُنِ وَٱجْعَلْنَا لِلْمُتَّقِينَ اللَّهُ فَق الْأَخِرَةِ حَسَنَةً وَفِي ٱلْأَخِرَةِ حَسَنَةً وَقِنَا عَذَابَ ٱلنَّارِ.

عِبَادَ اللهِ، إِنَّ ٱللهَ يَأْمُرُ بِٱلْعَدُلِ وَٱلْإِحْسَنِ وَإِيتَآيِ ذِى ٱلْقُرْبَىٰ وَيَنَاهِ وَاللهِ مَن وَإِيتَآيِ ذِى ٱلْقُرْبَىٰ وَيَنْهَىٰ عَنِ ٱلْفَحْشَآءِ وَٱلْمُنكِرِ وَٱلْبَغِي يَعِظُكُمْ لَعَلَّكُمْ لَعَلَّكُمْ تَذَكَّرُونَ فَي اللهَ عَنِ اللهَ عَنِ اللهَ عَنْ اللهُ عَلَى اللهُ عَنْ اللهُ عَنْ اللهُ عَلَمْ اللهُ عَلَيْ عَلْكُمْ اللهُ عَلَوْنَ اللهُ عَنْ اللهُ عَلَيْ اللهُ عَلَى اللهُ عَلَى اللهُ عَلَى اللهُ عَلَى اللهُ عَلَى اللهُ عَلَيْكُمْ اللهُ عَلَيْكُمْ اللهُ عَلَيْ اللهُ عَلَيْكُمْ اللهُ عَلَا عَلَا عَلَا عَلَا عَلَا عَلْمُ اللهُ عَلَى اللهُ عَلَا عَا عَلَا عَلْمُ عَلَا عَ

فَاذْكُرُواْ اللهَ الْعَظِيْمَ يَذْكُرْكُمْ وَاشْكُرُوْهُ عَلَى نِعَمِهِ يَزِدْكُمْ، وَاشْكُرُوْهُ عَلَى نِعَمِهِ يَزِدْكُمْ، وَاسْأَلُوْهُ مِنْ فَضْلِهِ يَعْطِكُمْ وَلَذِكْرُ اللهِ أَكْبَرُ وَاللَّهُ يَعْلَمُ مَا تَصْنَعُونَ.
